

«ՀԱՅԱՍՏԱՆԻ ԱՌԻԴԻՏՈՐՆԵՐԻ ԵՎ ՓՈՐՁԱԳԵՏ ՀԱՇՎԱՊԱՀՆԵՐԻ ՊԱԼԱՏ» ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ

ԽՈՐՀՈՒՐԴ

16 դեկտեմբերի, 2021թ.

N 74 - Լ

Ո Ր Ո Շ ՈՒ Մ

**«ՀԱՅԱՍՏԱՆԻ ԱՌԻԴԻՏՈՐՆԵՐԻ ԵՎ ՓՈՐՁԱԳԵՏ ՀԱՇՎԱՊԱՀՆԵՐԻ ՊԱԼԱՏ»
ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ 2022 ԹՎԱԿԱՆԻ ՏԱՐԵԿԱՆ
ԳՈՐԾՈՒՆԵՈՒԹՅԱՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ**

Հիմք ընդունելով «Հաշվապահական հաշվառման և աուդիտորական գործունեության կարգավորման և հանրային վերահսկողության մասին» ՀՀ օրենքի 26-րդ հոդվածի 1-ին մասը և «Հայաստանի աուդիտորների և փորձագետ հաշվապահների պալատ» հասարակական կազմակերպության (այսուհետ՝ Պալատ) կանոնադրության 8.1.7 և 14.16.14 կետերը՝ Պալատի խորհուրդը որոշում է՝

1. Հաստատել «Հայաստանի աուդիտորների և փորձագետ հաշվապահների պալատ» հասարակական կազմակերպության 2022 թվականի տարեկան գործունեության ծրագիրը՝ համաձայն հավելվածի:

2. Սույն որոշումն ուժի մեջ է մտնում Հաշվապահական հաշվառման և աուդիտորական գործունեության հանրային վերահսկողության խորհրդի հետ համաձայնեցվելուց և Պալատի պաշտոնական կայքում հրապարակվելուց հետո:

ԽՈՐՀՐԴԻ ՆԱԽԱԳԱՀ՝



ԹԱԹՈՒԼ ՄՈՎՍԻՍՅԱՆ

Հավելված

«Հայաստանի աուդիտորների և փորձագետ
հաշվապահների պալատ»
հասարակական կազմակերպության խորհրդի
2021 թ. դեկտեմբերի 16-ի N 74 - Լ որոշման

«ՀԱՅԱՍՏԱՆԻ ԱՈՒԴԻՏՈՐՆԵՐԻ ԵՎ ՓՈՐՁԱԳԵՏ ՀԱՇՎԱՊԱՀՆԵՐԻ ՊԱԼԱՏ»

ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ

2022 ԹՎԱԿԱՆԻ ՏԱՐԵԿԱՆ ԳՈՐԾՈՒՆԵՈՒԹՅԱՆ ԾՐԱԳԻՐ

Բովանդակություն

1. Ընդհանուր դրույթներ	4
2. Գործունեության ծրագրի կազմման հիմքերը և սկզբունքները	4
3. Հաշվապահական հաշվառման և աուդիտորական գործունեության ոլորտներում իրավիճակի վերլուծություն	5
4. Իրականացվող միջոցառումներ և ժամկետներ	8

1. ԸՆԴՀԱՆՈՒՐ ԴՐՈՒՅԹՆԵՐ

«Հայաստանի աուդիտորների և փորձագետ հաշվապահների պալատ» հասարակական կազմակերպության (այսուհետ՝ Պալատ) 2022 թվականի տարեկան գործունեության ծրագիրը (այսուհետ՝ Գործունեության ծրագիր) կազմվել է՝ ի կատարումն «Հաշվապահական հաշվառման և աուդիտորական գործունեության կարգավորման և հանրային վերահսկողության մասին» ՀՀ օրենքի 26-րդ հոդվածի 1-ին մասի և «Հայաստանի աուդիտորների և փորձագետ հաշվապահների պալատ» հասարակական կազմակերպության կանոնադրության 8.1.7 և 14.16.14 կետերի՝ նպատակ ունենալով ապահովել Պալատի գործառույթների արդյունավետ իրականացումը:

2. ԳՈՐԾՈՒՆԵՈՒԹՅԱՆ ԾՐԱԳՐԻ ԿԱԶՄՄԱՆ ՀԻՄՔԵՐԸ ԵՎ ՍԿԶԲՈՒՆՔՆԵՐԸ

Գործունեության ծրագիրը կազմվել է՝ ելնելով Պալատի կանոնադրությամբ սահմանված խնդիրներից, այն է.

- Աուդիտորների և փորձագետ հաշվապահների որակավորման ապահովումը, նրանց մասնագիտական էթիկային և շարունակական մասնագիտական զարգացմանը ներկայացվող պահանջների պահպանումը,
- Աուդիտորական կազմակերպությունների և աուդիտորների կողմից մատուցվող աուդիտորական ծառայության որակի հսկողության պահանջների պահպանման արտաքին գնահատումը,
- Փորձագետ հաշվապահների և աուդիտորական կազմակերպությունում չաշխատող աուդիտորների նկատմամբ ներկայացվող պահանջների պահպանման արտաքին գնահատումը,
- Հաշվապահական հաշվառման և աուդիտորական գործունեության բնագավառների զարգացման համար անհրաժեշտ պայմանների առկայությանն օժանդակումը,
- Հաշվապահական հաշվառման և աուդիտորական գործունեության բնագավառների կարգավորմանն օժանդակումը,
- Հաշվապահական հաշվառման և աուդիտորական մասնագիտության հեղինակության բարձրացումը:

Գործունեության ծրագրով նախատեսված միջոցառումների իրականացումը և դրանց կատարման ժամկետները պլանավորվել են՝ ելնելով Պալատի կանոնադրությամբ սահմանված գործառույթներից, արդյունավետությունից, իրագործման հնարավորությունից և հաշվետվողականության պահանջներից:

3. ՀԱՇՎԱՊԱՀԱԿԱՆ ՀԱՇՎԱՌՄԱՆ ԵՎ ԱՌԻԴԻՏՈՐԱԿԱՆ ԳՈՐԾՈՒՆԵՈՒԹՅԱՆ ՈԼՈՐՏՆԵՐՈՒՄ ԻՐԱՎԻՃԱԿԻ ՎԵՐԼՈՒԾՈՒԹՅՈՒՆ

3.1 ՀԱՇՎԱՊԱՀԱԿԱՆ ՀԱՇՎԱՌՄԱՆ ԻՐԱՎԱԿԱՆ ԿԱՐԳԱՎՈՐՈՒՄ

«Հաշվապահական հաշվառման մասին» ՀՀ օրենքի համաձայն՝ հրապարակվել և կիրառվում են ֆինանսական հաշվետվությունների հայեցակարգային հիմունքները, ամբողջական ՖՀՄՍ-ները, ՓՄԿ-ների ՖՀՄՍ-ն, կազմակերպությունների ֆինանսատնտեսական գործունեության հաշվապահական հաշվառման օրինակելի հաշվային պլանները և օրինակելի հաշվային պլանների կիրառման հրահանգները:

Դեռևս չեն հրապարակվել միկրոկազմակերպությունների հաշվապահական հաշվառման վարման և ֆինանսական հաշվետվությունների պատրաստման ձեռնարկը, ինչպես նաև ֆինանսատնտեսական գործունեության հաշվապահական հաշվառման օրինակելի հաշվային պլանը և հաշվային պլանի կիրառման հրահանգը:

3.2 ԱՌԻԴԻՏՈՐԱԿԱՆ ԳՈՐԾՈՒՆԵՈՒԹՅԱՆ ԻՐԱՎԱԿԱՆ ԿԱՐԳԱՎՈՐՈՒՄ

«Աուդիտորական գործունեության մասին» ՀՀ օրենքի համաձայն՝ հրապարակվել և կիրառվում են աուդիտորական գործունեության միջազգային ստանդարտները, մասնագիտական էթիկայի կանոնագիրքը:

2019թ.-ից հետո Հաշվապահների միջազգային դաշնության (այսուհետ՝ ՀՄԴ) Աուդիտի և հավաստիացման միջազգային ստանդարտների խորհուրդը հրապարակել է աուդիտորական գործունեության միջազգային ստանդարտներում փոփոխություններ, լրացումներ և նոր ստանդարտներ, որոնց հայերեն թարգմանությունները դեռևս չեն իրականացվել:

3.3 «ՀԱՆՐԱՅԻՆ ՎԵՐԱՀՍԿՈՂՈՒԹՅԱՆ ԽՈՐՀՈՒՐԴ - ՄԱՍՆԱԳԻՏԱՑՎԱԾ ԿԱՌՈՒՅՑ» ՄՈՂԵԼ

«Հաշվապահական հաշվառման և աուդիտորական գործունեության կարգավորման և հանրային վերահսկողության մասին», «Հաշվապահական հաշվառման մասին» և «Աուդիտորական գործունեության մասին» ՀՀ օրենքների համաձայն՝ ստեղծվել է հաշվապահական հաշվառման և աուդիտորական գործունեության կարգավորման նկատմամբ հանրային վերահսկողության գործառույթներ իրականացնող մարմին՝ Հաշվապահական հաշվառման և աուդիտորական գործունեության հանրային վերահսկողության խորհուրդ (այսուհետ՝ ՀՎԽ), իսկ ոլորտների կարգավորման որոշ գործառույթները պատվիրակվում են մասնագիտացված կառույցներին:

«Հայաստանի աուդիտորների և փորձագետ հաշվապահների պալատ» հասարակական կազմակերպությունը ՀՀ ֆինանսների նախարարության կողմից հավատարմագրվել է որպես մասնագիտացված կառույց: Ներկայումս Պալատը

հանդիսանում է ոլորտի միակ մասնագիտացված կառույցը, որին 2021թ. դեկտեմբերի 15-ի դրությամբ անդամակցում են 296 աուդիտոր, 307 փորձագետ հաշվապահ, 29 աուդիտորական կազմակերպություն:

2022թ"-ին Պալատը շարունակելու է մշակել և ներդնել «Հաշվապահական հաշվառման և աուդիտորական գործունեության կարգավորման և հանրային վերահսկողության մասին», «Հաշվապահական հաշվառման մասին», «Աուդիտորական գործունեության մասին» ՀՀ օրենքներով և Պալատի կանոնադրությամբ սահմանված ներքին իրավական ակտերը, ինչը հնարավորություն կտա արդյունավետ և ժամանակին իրականացնել Պալատի խնդիրները և գործառույթները:

3.4 ՈՐԱԿԱՎՈՐՈՒՄ

Պալատն ունի ՀՄԴ կրթության միջազգային ստանդարտներին (այսուհետ՝ ԿՄՍ) համապատասխանող որակավորման համակարգ:

Պալատի աուդիտորի և/կամ փորձագետ հաշվապահի որակավորում ստանալու համար ֆիզիկական անձինք պետք է հաջողությամբ հանձնեն որակավորման քննությունները, ունենան բարձրագույն կրթություն և անհրաժեշտ մասնագիտական աշխատանքային փորձ:

Որակավորումները տրվում են անժամկետ:

Պալատի որակավորման համակարգը հիմնված է Մեծ Բրիտանիայի և Հյուսիսային Իռլանդիայի Միացյալ Թագավորության Որակավորված երդվյալ հաշվապահների ասոցիացիայի (այսուհետ՝ ACCA) որակավորման համակարգի վրա: Աուդիտորի որակավորման քննությունների ծրագիրը բաղկացած է 7 առարկաներից, իսկ փորձագետ հաշվապահինը՝ 6 առարկաներից: Անհրաժեշտություն կա արդիականացնելու որակավորման քննական առարկաների դասագրքերը:

Պալատի աուդիտորի և փորձագետ հաշվապահի պարզեցված կարգով որակավորման տրման և որակավորման քննություններից ազատման կարգերով սահմանված են որակավորման քննությունների ծրագրի որոշակի առարկաների քննություններից ազատումներ:

3.5 ՇԱՐՈՒՆԱԿԱԿԱՆ ՄԱՍՆԱԳԻՏԱԿԱՆ ԶԱՐԳԱՅՈՒՄ

Պալատի ֆիզիկական անձ անդամների շարունակական մասնագիտական զարգացման պահանջը սահմանված է «Հաշվապահական հաշվառման և աուդիտորական գործունեության կարգավորման և հանրային վերահսկողության մասին», «Աուդիտորական գործունեության մասին» և «Հաշվապահական հաշվառման մասին» ՀՀ օրենքներով: Այն հանդիսանում է նաև ԿՄՍ-ների և Պալատի կողմից ստանձնած ՀՄԴ անդամակցության պարտադիր պահանջ:

Շարունակական մասնագիտական զարգացման նպատակն է տնտեսության տարբեր բնագավառներում Պալատի անդամից պահանջվող մասնագիտական աշխատանքի բարձր ստանդարտների ապահովման համար անհրաժեշտ գիտելիքների պարբերաբար նորացումը: Այն հնարավորություն կտա հանրությանը տրամադրել բավարար երաշխիքներ, որ Պալատի անդամը տիրապետում է հաշվապահական հաշվառման, հարկային, ֆինանսական հաշվետվությունների պատրաստման, աուդիտի և մասնագիտությանն առնչվող ոլորտների վերաբերյալ մասնագիտական արդի գիտելիքներին: Պալատի անդամ աուդիտորները և փորձագետ հաշվապահները պարտավոր են Պալատի անդամ դառնալու տարվան հաջորդող տարվանից սկսած անցնել շարունակական մասնագիտական զարգացում: Շարունակական մասնագիտական զարգացման տևողությունը յուրաքանչյուր օրացուցային տարվա համար չպետք է պակաս լինի 20 ժամից, իսկ յուրաքանչյուր երկու հաջորդական տարիների համար չպետք է պակաս լինի 80 ժամից:

Շարունակական մասնագիտական զարգացման հետ կապված հարաբերությունները կարգավորվում են Պալատի աուդիտոր և փորձագետ հաշվապահ անդամների շարունակական մասնագիտական զարգացման կարգով (ՇՄԶ կարգ):

3.6 ՄԱՍՆԱԳԻՏԱԿԱՆ ԾԱՌԱՅՈՒԹՅՈՒՆՆԵՐԻ ՈՐԱԿԻ ԱՐՏԱՔԻՆ ԳՆԱՀԱՏՈՒՄ

Կարևորվում է Պալատի կողմից աուդիտորական կազմակերպությունների և աուդիտորների կողմից մատուցվող աուդիտորական ծառայության որակի հսկողության, ինչպես նաև փորձագետ հաշվապահների և աուդիտորական կազմակերպությունում չաշխատող աուդիտորների նկատմամբ ներկայացվող պահանջների պահպանման արտաքին գնահատման (այսուհետ՝ Արտաքին գնահատում) համակարգի ներդրումը:

Արտաքին գնահատման ընթացակարգերը մշակվում և հաստատվում են «Հաշվապահական հաշվառման և աուդիտորական գործունեության կարգավորման և հանրային վերահսկողության մասին» ՀՀ օրենքով սահմանված կարգով:

Արտաքին գնահատման ընթացակարգերը դեռևս չեն մշակվել և հրապարակվել: Նախատեսվում է այն իրականացնել 2022-2023 թթ.-ին:

4. ԻՐԱԿԱՆԱՑՎՈՂ ՄԻՋՈՑԱՌՈՒՄՆԵՐ ԵՎ ԺԱՄԿԵՏՆԵՐ

4.1 ՈՐԱԿԱՎՈՐՈՒՄ

2022թ. նախատեսվում է իրականացնել հետևյալ միջոցառումները.

h/h	<i>Միջոցառում</i>	<i>Ժամկետ</i>
1	Պալատի որակավորման հանձնաժողովի անհատական կազմի համալրում	I կիսամյակ
2	Աուդիտորների և փորձագետ հաշվապահների որակավորման քննությունների կազմակերպում, անցկացում և վերահսկողություն (երկու քննաշրջան)	II եռամսյակ և IV եռամսյակ
3	Աուդիտորների և փորձագետ հաշվապահների որակավորման համակարգի ներքին իրավական ակտերի նախագծերի մշակում և (կամ) փոփոխություն	Տարվա ընթացքում՝ ըստ անհրաժեշտության
4	Աուդիտորի կամ փորձագետ հաշվապահի որակավորում ստանալու համար դիմած անձանց՝ սահմանված պահանջներին համապատասխանության ուսումնասիրություն և որակավորման շնորհում	Տարվա ընթացքում՝ շարունակաբար
5	Աուդիտորի կամ փորձագետ հաշվապահի որակավորում ստացած անձանց՝ սահմանված պահանջների խախտման կամ անհամապատասխանության ուսումնասիրություն և որակավորման չեղարկում	Տարվա ընթացքում՝ շարունակաբար
6	Որակավորման քննություններից ազատումներ ստանալու համար դիմած անձանց՝ սահմանված պահանջներին համապատասխանության ուսումնասիրություն և քննություններից ազատում	շարունակաբար

4.2 ԿՐԹՈՒԹՅՈՒՆ

Որակավորման քննությունների նախապատրաստման դասընթացներ

Պալատը իրականացնում է ԿՄՍ-ներին համապատասխան պրոֆեսիոնալ հաշվապահի և աուդիտորի որակավորում շնորհող կրթական ծրագիր, որը ներառում է համապատասխան դասընթացների իրականացում և քննությունների անցկացում:

Շարունակական մասնագիտական զարգացման դասընթացներ

Տե'ս 4.3 «Շարունակական մասնագիտական զարգացում» բաժինը:

Այլ դասընթացներ

Պալատը կազմակերպում է 50 ժամ տևողությամբ «Հաշվապահական հաշվառում և հարկային օրենսդրություն» թեմայով դասընթաց՝ սկսնակ և գործող հաշվապահների համար:

2022թ. նախատեսվում է իրականացնել հետևյալ միջոցառումները.

<i>h/h</i>	<i>Միջոցառում</i>	<i>Ժամկետ</i>
1	Աուդիտորների և փորձագետ հաշվապահների որակավորման դասընթացներ (երկու քննաշրջան)	I կիսամյակ և II կիսամյակ
2	«Հաշվապահական հաշվառում և հարկային օրենսդրություն» թեմայով երկու դասընթաց	I կիսամյակ և II կիսամյակ
3	Աուդիտորների և փորձագետ հաշվապահների որակավորման ծրագրում փոփոխություններ	I կիսամյակ
4	Որակավորման քննական առարկաների դասագրքերի արդիականացում	Տարվա ընթացքում

4.3 ՇԱՐՈՒՆԱԿԱԿԱՆ ՄԱՍՆԱԳԻՏԱԿԱՆ ԶԱՐԳԱՑՈՒՄ

Պալատի ֆիզիկական անձ անդամների շարունակական մասնագիտական զարգացմանը ներկայացվող պահանջների պահպանումը հանդիսանում է Պալատի առաջնահերթություններից: Պալատն իրականացնում է աշխատանքներ՝ Պալատի անդամների շարունակական մասնագիտական զարգացման կարիքները բավարարելու համար:

2022թ. նախատեսվում է իրականացնել հետևյալ միջոցառումները.

h/h	Միջոցառում	Ժամկետ
1	Շարունակական մասնագիտական զարգացման (ՇՄՁ) դասընթացներ, սեմինարներ, վերապատրաստումներ և նմանատիպ այլ միջոցառումներ աուդիտորական գործունեության միջազգային ստանդարտների, մասնագիտական էթիկայի կանոնագրքի, ֆինանսական հաշվետվությունների միջազգային ստանդարտների, հարկային օրենսդրության, Արտաքին գնահատման և ՇՄՁ կարգով սահմանված այլ ոլորտների վերաբերյալ (80 ժամ ընդհանուր տևողությամբ ՇՄՁ միջոցառումների ծրագիր)	Տարվա ընթացքում՝ պարբերաբար
2	Այլ կազմակերպությունների կողմից իրականացվող մասնագիտական դասընթացների և սեմինարների ուսումնասիրում՝ ՇՄՁ միջոցառում ճանաչելու համար	Պարբերաբար՝ դիմումների/ հայտերի ստացումից հետո 15 օրյա ժամկետում
3	Աուդիտորական կազմակերպությունների հետ քննարկում, իրազեկում և սեմինարների կազմակերպում Արտաքին գնահատման ընթացակարգերի վերաբերյալ	II կիսամյակ
4	Աուդիտորական կազմակերպությունների հետ քննարկում, իրազեկում և սեմինարների կազմակերպում աուդիտի անցկացման համակարգչային ծրագրի վերաբերյալ	II կիսամյակ
5	Պալատի անդամների ներկայացրած ՇՄՁ հաշվետվությունների ուսումնասիրության, տվյալների ամփոփման և վերլուծության ընթացակարգերի մշակում	I կիսամյակ
6	Պալատի անդամների ներկայացրած ՇՄՁ հաշվետվությունների ընտրանքային ուսումնասիրություն	II կիսամյակ
7	ՇՄՁ պահանջները չպահպանելու դեպքում Պալատի անդամների նկատմամբ պատասխանատվության միջոցների կիրառում	II կիսամյակ

4.4 ԱՆՊԱՄԱԿՑՈՒԹՅՈՒՆ ԵՎ ՌԵԵՍՏՐԻ ՎԱՐՈՒՄ

Պալատին անդամակցում են աուդիտորները, փորձագետ հաշվապահները և աուդիտորական կազմակերպությունները: Պալատին անդամակցումը կատարվում է «Հաշվապահական հաշվառման և աուդիտորական գործունեության կարգավորման և հանրային վերահսկողության մասին» ՀՀ օրենքի, Պալատի կանոնադրության և Պալատի Անդամակցության կարգի պահանջներին համապատասխան:

Ռեեստրի վարումն իրականացվում է Պալատի կողմից սահմանված ռեեստրի վարման կարգով:

2022թ. նախատեսվում է իրականացնել հետևյալ միջոցառումները.

h/h	Միջոցառում	Ժամկետ
1	Պալատին անդամակցելու համար դիմած անձանց՝ սահմանված պահանջներին համապատասխանության ուսումնասիրություն և անդամակցության որոշում	Շարունակական
2	Պալատի անդամների՝ սահմանված պահանջների խախտման կամ անհամապատասխանության ուսումնասիրություն և անդամակցության չեղարկում	Շարունակական
3	Պալատին անդամակցող անդամների կամ անդամակցությունը դադարեցրած անձանց վերաբերյալ տվյալների՝ ռեեստրում գրանցում	Շարունակական
4	Էլեկտրոնային եղանակով Պալատի անդամների ռեեստրի վարում և ռեեստրում ներառված՝ Պալատի կողմից սահմանված տեղեկատվության՝ հանրությանը հասանելիության ապահովում	Շարունակական
5	Ռեեստրում ներառված տվյալների թարմացում՝ ներկայացված տեղեկատվության հիման վրա	Շարունակական
6	Ռեեստրում տվյալների ներառման և փոփոխության վերաբերյալ ՀՎԽ-ին ներկայացում	Շարունակական

4.5 ԱՐՏԱՔԻՆ ԳՆԱՀԱՏՈՒՄ

Պալատի կարևորագույն խնդիրներից է իրականացնել աուդիտորական կազմակերպությունների և աուդիտորների կողմից մատուցվող աուդիտորական ծառայության որակի հսկողության, ինչպես նաև փորձագետ հաշվապահների և աուդիտորական կազմակերպությունում չաշխատող աուդիտորների նկատմամբ

ներկայացվող պահանջների պահպանման արտաքին գնահատում՝ «Հաշվապահական հաշվառման և աուդիտորական գործունեության կարգավորման և հանրային վերահսկողության մասին» ՀՀ օրենքով սահմանված կարգով մշակված և հաստատված Արտաքին գնահատման ընթացակարգերի հիման վրա:

Արտաքին գնահատման ընթացակարգերի առկայության դեպքում 2022թ.-ին նախատեսվում է իրականացնել աուդիտորական ծառայությունների որակի հսկողության պահանջների պահպանման արտաքին գնահատում՝ համաձայն Պալատի խորհրդի կողմից հաստատված ժամանակացույցի:

Նախատեսվում է Համաշխարհային բանկի աջակցությամբ իրականացնել աուդիտի անցկացման համակարգչային ծրագրի մշակում և տեղայնացում՝ աուդիտորական կազմակերպությունների կողմից օգտագործելու համար:

<i>h/h</i>	<i>Միջոցառում</i>	<i>Ժամկետ</i>
1	ՀՎԽ-ին և փորձագետներին Արտաքին գնահատման ընթացակարգերի մշակմանը աջակցություն և օժանդակություն	Ընթացակարգերի մշակման ընթացքում
2	Պալատի անդամների հետ քննարկում, իրազեկում և սեմինարների կազմակերպում Արտաքին գնահատման ընթացակարգերի վերաբերյալ	Ընթացակարգերի մշակման և ներդրման ընթացքում
3	Պալատի անդամների նկատմամբ կարգապահական պատասխանատվության միջոցների կիրառման կարգի հաստատում	Արտաքին գնահատման ընթացակարգերի հաստատումից հետո երկու ամսվա ընթացքում
4	2023թ. արտաքին գնահատման ենթակա աուդիտորական կազմակերպությունների ցանկի և արտաքին գնահատում իրականացնելու տարեկան ժամանակացույցի հաստատում	IV եռամսյակ
5	Աուդիտորական ծառայությունների որակի հսկողության	սահմանված ժամանակա-

	պահանջների պահպանման արտաքին գնահատում	ցույցի համաձայն
6	Պալատի անդամների հետ քննարկում, իրազեկում և սեմինարների կազմակերպում աուդիտի անցկացման համակարգչային ծրագրի մշակման և տեղայնացման ընթացքում	II կիսամյակ

4.6 ՊԱԼԱՏԻ ԶԱՐԳԱՑՄԱՆ ԵՎ ԻՐԱՎԱԿԱՆ ԱԿՏԵՐԻ ՊԱՀԱՆՋՆԵՐԻ ՊԱՀՊԱՆՄԱՆ ՀԵՏ ԿԱՊՎԱԾ ԱՅԼ ՄԻՋՈՑԱՌՈՒՄՆԵՐ

2022թ. նախատեսվում է իրականացնել հետևյալ միջոցառումները.

<i>h/h</i>	<i>Միջոցառում</i>	<i>Ժամկետ</i>
1	Պալատի նոր ինտերնետային կայքի պատրաստում, որը կունենա անդամների համար հավելյալ առցանց գործիքներ	I եռամսյակ
2	Ռեեստրի վարման էլեկտրոնային նոր ծրագրի մշակում և ներդրում	I եռամսյակ
3	Պալատի տեխնիկական բազայի արդիականացում	Տարվա ընթացքում՝ ըստ անհրաժեշտության
4	Պալատի հանձնաժողովների անհատական կազմերի համալրում	I կիսամյակ
5	Պալատի հանձնաժողովների 2021թ. տարեկան գործունեության մասին հաշվետվությունների հաստատում	I կիսամյակ
6	Պալատի 2021թ. տարեկան գործունեության մասին հաշվետվության, ֆինանսական հաշվետվությունների հաստատում	I կիսամյակ
7	Պալատի ընդհանուր ժողովի պատվիրակների ընտրության կարգի մշակում և հաստատում	I եռամսյակ
8	Պալատի հերթական ընդհանուր ժողովի կազմակերպում	II եռամսյակ

9	Պալատի հանձնաժողովների 2022թ. գործունեության ծրագրերի հաստատում	IV եռամսյակ
10	«Հաշվապահական հաշվառման և աուդիտորական գործունեության կարգավորման և հանրային վերահսկողության մասին», «Հաշվապահական հաշվառման մասին» և «Աուդիտորական գործունեության մասին» ՀՀ օրենքներից և Պալատի կանոնադրությունից բխող այլ միջոցառումներ	Տարվա ընթացքում՝ ըստ անհրաժեշտության

4.7 ՄԻՋԱԶԳԱՅԻՆ ԿԱՊԵՐ

ՀՄԴ

Պալատը 2005թ.-ից հանդիսանում է ՀՄԴ թղթակից անդամ:

Պալատը իրականացնելու է նախապատրաստական աշխատանքներ առաջիկա երեք տարիների ընթացքում ՀՄԴ-ի լիիրավ անդամ դառնալու համար:

Պալատը շարունակելու է խորացնել կապերը ՀՄԴ-ի հետ, այդ թվում՝ առցանց սեմինարներին ու տեղեկատվություններին Պալատի անդամների հասանելիությունը ապահովելու, միջազգային փորձի ու մասնագիտական ստանդարտների վերաբերյալ քննարկումներ իրականացնելու համար:

ACCA

Պալատը շարունակելու է ACCA-ի հետ հանդիպումները, քննարկումները և անհրաժեշտ փաստաթղթերի պատրաստումն ու ներկայացումը՝ Պալատի քննությունները հանձնաձև անձանց ACCA-ի քննություններից ազատումներ տալու համար:

Շարունակվելու են հանդիպումները, քննարկումները ACCA-ի և ACCA-ի դասագրքերի հրատարակիչների ներկայացուցիչների հետ՝ որակավորման ծրագրի առարկաների դասագրքերի թարգմանություններն իրականացնելու համար:

ԱՊՀ և ԵԱՏՄ

2021թ"-ի դեկտեմբերին ստորագրվել է ԱՊՀ և ԵԱՏՄ պետությունների մասնագիտացված կազմակերպությունների խումբ (խորհրդատվական մարմին) ստեղծելու վերաբերյալ՝

1. Соглашение о создании Евразийской группы бухгалтеров и аудиторов
2. Соглашение о создании Консультативного Совета аудиторов ЕАЭС.

Նախատեսվում է ստորագրված համաձայնագրերի շրջանակներում աշխատանքների իրականացում, որոնք միտված են ԱՊՀ և ԵԱՏՄ պետությունների տարածքներում մասնագիտության առջև ծառայած խնդիրների լուծմանը, մասնագիտության հեղինակության բարձրացմանը, մասնագիտական ստանդարտների (փոփոխությունների) նախագծերի քննարկմանը, փորձի փոխանակմանը, աուդիտորական ծառայությունների մատուցման ընդհանուր շուկայի ձևավորմանը (ազատականացմանը), որպես ՀՄԴ-ի ցանցային գործընկեր անդամակցմանը:

Այլ

Պալատը աշխատանքներ է իրականացնելու օտարերկրյա կամ միջազգային համապատասխան մասնագիտական կազմակերպությունների/կառույցների հետ՝ հարաբերություններ ձևավորելու/խորացնելու նպատակով: